

# LA PONTANARDA

(Chant local sur l'air de la Millavoise)

---

## REPIC

Cantem a plena voetz  
Dins nòstre vielh patoes  
La vilòta  
Superbòta  
Que Viaur copa en dos parts  
Estirada  
Pro alinhada  
Cantem en còr : viva Pont de Salars

### 1

*Accès de la ville.  
Descente rapide.*

Totes al Pont, venon en vitessa  
Et quand i son languisson pas  
Dins la serada ambe tristessa  
On vei cadun s'en tournar al pas.  
Aital, las autòs, las cavalas,  
Ralentisson en s'en anen,  
On diria qu'an lo còr dolent  
De quitar nòstre Pont, talement lor agrada!

### 2

*Le foirail*

Lo prat de Bartha, es per las fieiras  
Una plaça de ça primièr.  
Saique val ben la Canabiera,  
Celebra dins lo monde entièr.  
Dins lo mes, quand lo setze arriva  
De tant de bestias se remplis,  
Diriatz las « Hallas de Paris »,  
Des pus polits parelhs, s'y tròva la causida.

### 3

*La source,  
Les eaux.*

Avem una sorga abondenta  
Que ven d'amont, de Jipojap,  
Nos servis una aigua plamenta  
Dins cada aguièra a vòlontat.  
E per refescar lor bugada  
Dins lou lavoir municipal  
Las femnas se carran pas mal,  
Regretan pas lo Viaur e son aigua gelada!

4

*Commerce .  
Industrie.*

Avem al Pont d'hôtels superbes,  
Dos bolangiers e tres bochiers,  
E per far marchar lo comèrci  
Avem sèt o uèch especièrs.  
Per trabalhar lo boès, lo ferre,  
E per vos far un polit ostal  
Se voletz d'obrièrs coma cal,  
Adreches et valents, al Pont venetz los querre.

5

*Gentillesse  
et hospitalité.*

Avem taben un escat de filhas  
Que faran de bonas mamàs,  
Son revelhadas et gentilhas,  
Fan l'agrament de cada mas.  
Aicí se qualqu'un ven nos veire,  
Plàngen pas un veirat de vin.  
Lo President poria venir,  
Seria plan ressajut, vos pregui de vos creire!

6

*Site et principale ressource.*

Vesetz tota nòstro parròquia,  
D'al cap del truc de Puech Ventos,  
De prats de bòsces e de pèssas  
Mai de cinq legas a l'entorn.  
A travers la bela campanha,  
De fòrts tropels semblan expandits,  
E la fortuna del país  
Aquò's lo Ròquafòrt, s'en far ben una montanha.

7

*Autres produits*

Empacha pas qu'avem de terras  
Plenas de truffas e de blat.  
D'al Marragon a Domazerguas,  
E de Trappas jusqu'a Veilhac  
Se vei mai d'una crana bòria,  
Qu'escodan tres ou quatre jorns,  
Fan rollar molis e camions,  
Fan de Pont de Salars, lo renom e la gloria.

*Curiosités.*

E sul travers de la Combetta,  
 Quilhada amont coma Thabor,  
 Una polida capèleta  
 Que garda nòstres paüres mòrts.  
 Avem la font de la Sarrada  
 Que val las aigüas de Vichy,  
 E de Sant-Jòrdi jusqu'aicí  
 I a las gòrjos de Viaur que son tan renomadas.

*Caractère  
des habitants.*

Se pòt ben que siam un pauc frejes  
 E rudes coma lo climat,  
 Aicí los fenhants son pas espesses,  
 E lou travalh nos pudis pas.  
 Avem de cur tant coma d'autres,  
 E de pertot nos aiman plan,  
 E n'i a mai d'un que sabi voldria  
 A la bela sason viure al costat de nautres!

*Villégiature.*

De nòstre Viaur, las trochas piadas  
 Agradon ferme als vilatons,  
 Aimon las belas promenadas  
 Lo long dels rius dels environs.  
 Aicí avem pro de pitaça,  
 E respiran lo pus bon air,  
 Avem una santat de fer,  
 Dieu a plan perbesit nòstre canton de França!

S.L.

---

**Nota :** *Texte original écrit phonétiquement, j'ai réécrit en graphie occitane. J'ai remplacé Maréchal par Président (Texte écrit pendant le début de la guerre 1939-1945)*

**Rappel :** *le o se prononce « ou » sauf si accent ò  
 le a ou as final se prononce « o »ou « os »  
 lh se prononce comme ill  
 nh se prononce comme gn  
 ch se prononce tch*